



Broj: 11-30-5880-1/2023

Bihać, 01.06.2023. godine

Na osnovu člana 42. Zakona o državnoj službi u Unsko-sanskom kantonu (“Službeni glasnik Unsko-sanskog kantona”, broj: 14/17 i 15/20) i Pravilnika o uslovima i načinu odabira kandidata za prijem u organ državne službe na određeno vrijeme (“Službeni glasnik Unsko-sanskog kantona”, broj: 23/17), uz pribavljeno Mišljenje Ministarstva finansija Unsko-sanskog kantona, broj: 04-30-5328-2/23 od 25.05.2023. godine, ministar Ministarstva za građenje, prostorno uređenje i zaštitu okoliša Unsko-sanskog kantona objavljuje:

JAVNI KONKURS

za prijem državnog službenika u radni odnos na određeno vrijeme u Ministarstvu za građenje, prostorno uređenje i zaštitu okoliša

Stručni savjetnik za pravne poslove u Odjeljenju za zaštitu okoliša i komunalne djelatnosti, Odsjek za komunalne djelatnosti i upravljanje otpadom.....1 izvršilac

Opis poslova:

1. provodi skraćeni i posebni ispitni postupak u upravnim stvarima iz djelokruga Odsjeka u prvom stepenu;
2. provodi upravni postupak u upravnim stvarima iz djelokruga Odsjeka u drugom stepenu;
3. izrađuje analize, izvještaje, informacije, programe i planove iz oblasti upravljanja otpadom i komunalnih djelatnosti;
4. učestvuje u izradi zakonskih, podzakonskih akata i drugih općih akata iz djelokruga Odsjeka i prati njihovu primjenu;
5. učestvuje u izradi prijedloga projektnih zadataka za konceptijska rješenja, studije, investicione programe i slično iz djelokruga Odsjeka;
6. učestvuje u postupku utvrđivanja kriterija i provođenje procedura za dodjelu sredstava iz ekoloških naknada po Javnom pozivu i Obavještenju;
7. učestvuje u radu radnih grupa i tijela međunarodnih projekata iz oblasti zaštite okoliša u koje je uključeno Ministarstvo kao pridruženi partner u projektu, koordinator ili predstavnik Kantona;
8. vrši kontrolu zakonitosti rada i primjene pisanih procedura iz djelokruga rada (samokontrola);
9. obavlja i druge poslove po nalogu šefa Odsjeka, Pomoćnika ministra za zaštitu okoliša i komunalne djelatnosti i Ministra;

Razlog zbog kojeg se vrši prijem u radni odnos na određeno vrijeme :

Prijem državnog službenika na određeno vrijeme vrši se radi obavljanja neodložnih poslova čije bi odlaganje moglo prouzrokovati neizvršenje radnji koje je organ državne službe dužan poduzeti u rokovima određenim zakonom ili njegovim provedbenim propisima.

Period trajanja radnog odnosa na određeno vrijeme:

Prijem u radni odnos na određeno vrijeme zaključit će se na period od godinu dana.

Uslovi za obavljanje poslova radnog mjesta:

Opći uslovi:

1. da je državljanin Bosne i Hercegovine;
2. da je stariji od 18 godina;
3. da je zdravstveno sposoban za obavljanje poslova utvrđenih za to radno mjesto;
4. da ima odgovarajuću vrstu i stepen školske spreme tražene javnim konkursom;
5. da u posljednje dvije godine od dana objavljivanja javnog oglasa nije otpušten iz organa državne službe kao rezultat disciplinske kazne na bilo kojem nivou vlasti u Federaciji Bosne i Hercegovine;
6. da nije obuhvaćen odredbom člana IX Ustava Bosne i Hercegovine;
7. da se protiv istog ne vodi krivični postupak.

Pored općih uslova propisanih članom 76. Zakona o državnoj službi u Unsko-sanskom kantonu, kandidati moraju ispunjavati i posebne uslove utvrđene Pravilnikom o unutrašnjoj organizaciji Ministarstva za građenje, prostorno uređenje i zaštitu okoliša.

Posebni uslovi:

- diploma visokog obrazovanja VII stepen – pravne struke ili diploma visokog obrazovanja prvog (240 ECTS), drugog ili trećeg ciklusa Bolonjskog sistema studiranja – pravne struke
- položen stručni ispit
- 3 (tri) godine radnog iskustva u struci
- poznavanje rada na računaru;

Dokumentacija kojom se dokazuje ispunjavanje općih i posebnih uslova iz konkursa:

Zainteresirani kandidati su obavezni uz prijavu na Javni konkurs dostaviti sljedeću dokumentaciju (u originalu ili ovjerenj kopiji -datum ovjere od strane nadležnog organa ne smije biti stariji od 6 mjesecu):

- Prijava na Javni konkurs sa kratkom biografijom i kontakt podacima (adresa i broj telefona),
- Izvod iz matične knjige rođenih,
- Uvjerenje o državljanstvu,
- Diploma o završenoj visokoj stručnoj spremi (nostrificirana diploma ukoliko fakultet nije završen u Bosni i Hercegovini ili je diploma stečena u nekoj od država nastalih raspadom SFRJ nakon 06.04.1992. godine),
- Dokaz o položenom stručnom ispitu,
- Dokaz o radnom iskustvu u struci nakon sticanja VSS,

- Dokaz o poznavanju rada na računaru,
- Ljekarsko uvjerenje o zdravstvenoj sposobnosti za obavljanje poslova utvrđenih za radno mjesto,
- Ovjereni izjava da kandidat/kandidatkinja u posljednje dvije godine od dana objavljivanja Javnog oglasa nije otpušten iz organa državne službe kao rezultat disciplinske kazne na bilo kom nivou vlasti u Federaciji Bosne i Hercegovine, odnosno Bosne i Hercegovine,
- Ovjereni izjava da kandidat nije obuhvaćen odredbom člana IX Ustava Bosne i Hercegovine,
- Uvjerenje suda da se protiv istog ne vodi krivični postupak

Napomena: Izabrani kandidat dužan je prije stupanja na rad dostaviti ljekarsko uvjerenje o zdravstvenoj sposobnosti za obavljanje poslova utvrđenih za radno mjesto iz Javnog konkursa i uvjerenje da se protiv istog ne vodi krivični postupak.

Javni konkurs se provodi u skladu sa Pravilnikom o uslovima i načinu odabira kandidata za prijem u organ državne službe na određeno vrijeme ("Službeni glasnik Unsko-sanskog kantona", broj: 23/17).

Prijavu sa traženim dokumentima dostaviti u roku od 8 dana od dana zadnje objave Javnog konkursa, neposredno na Pisarnicu Vlade Unsko-sanskog kantona ili putem pošte, preporučeno na adresu: Ministarstvo za građenje, prostorno uređenje i zaštitu okoliša Unsko – sanskog kantona, ul. Alije Đerzeleza 2, 77000 Bihać sa naznakom :

„Javni konkurs za prijem državnog službenika u radni odnos na određeno vrijeme u Ministarstvu za građenje, prostorno uređenje i zaštitu okoliša” – NE OTVARAJ

Nepotpune i neblagovremene prijave neće se uzeti u razmatranje.



MINISTAR
 Senad Dizdarić, dipl.pravnik

